



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XVI

BROJ: 253

DATUM: 25.01.2019.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Gregor Jurišić, viši saradnik za finansijska pitanja
fax: + 387 33 552 810
gregor.jurisic@sogfbih.ba

Sadržaj biltena:

Održana zajednička sjednica tri skupštinske komisije Saveza	1
Direktorica Saveza Vesna Travljanin u službenoj posjeti gradonačelniku Tuzle	2
Savez učestvuje u radu radne grupe Vlade USK	3
Poziv općinama i gradovima za kandidiranje predstavnika u Radnu grupu za Evropske integracije	3
Dušica Runić izabrana za v.d. načelnika Općine Drvar	3
Održana obuka vijećnika Općine	4
Prvi radni sastanak gradonačelnika i načelnika sa premijerom USK	4
Sedam JLS u FBiH žele status grada	5
Prvi sastanak šest načelnika iz oba bh. entiteta	5
U Kaknju otvorena nova sportska dvorana vrijedna 1.5 miliona KM	6
Općina Centar osigurala 30.000 KM za pomoć pri rješavanju stambenog pitanja mladih	6
U Goraždu potpisan sporazum o lokalnom partnerstvu	7
Ministar Asim Dizdarević uputio zahvalnicu Savezu	7
Najava obilježavanja dana općina i gradova za mjesec februar/veljača	7

Bilten Saveza općina i gradova Federacije Bosne i Hercegovine

ODRŽANA ZAJEDNIČKA SJEDNICA TRI SKUPŠTINSKE KOMISIJE SAVEZA



Sa zajedničke sjednice tri skupštinske komisije

Savez općina i gradova Federacije Bosne i Hercegovine je, u utorak, 15. januara/siječnja 2019. godine organizovao zajedničku sjednicu skupštinskih tijela: Komisije za ekonomski razvoj općina i gradova i finansije, Komisije za razvoj i unapređenje lokalne samouprave i Komisije za ustavna i zakonodavna pitanja. U fokusu rasprave bilo je razmatranje dokumenata „Pravna analiza regulisanja taksi i naknada u FBiH (USAID-ovog Projekta fiskalnog sektora. Nakon prezentacije predstavnika Projekta, prispjelih mišljenja iz jedinica lokalne samouprave, te na temelju komentara iznesenih u raspravi, zaključeno je da se predloži Predsjedništvu Saveza da se aktivnosti oko donošenja krovnog Zakona o taksama i naknadama u FBiH za sada obustave, a da Savez općina i gradova FBiH prvo insistira na donošenju novog Zakona o pripadnosti javnih prihoda FBiH i izmjenama Zakona o principima lokalne samouprave u FBiH. Registar taksi i nakanada je podržan. Na sjednici je vođena i diskusija i usvojene teme koje bi bile predmet rasprave u sklopu Mreže za finansije/finansije općina i gradova FBiH. Neke od tema Mreže u narednom periodu bit će:

- Izmjena Zakona o pripadnosti javnih prihoda FBiH: prilika za općine i gradove- PDV, porez, porez na dohodak, porez na dobit;
- Učinkovita budžetska konsolidacija JLS: pametno upravljanje finansijama;
- Kapitalni proračuni/ budžeti JLS: načini finansiranja i perspektive.

Takođe, bilo je riječi i izradi Analize za realokaciju javnih prihoda općinama i gradovima FBiH, koju će za Savez općina i gradova FBiH raditi Brankica Lenić, međunarodni ekspert za javne finansije. Analiza treba da pokaže mogućnost realokacije javnih prihoda temeljem rashodivnih potreba općina, koja bi poslužila kao validan argument i osnova za pokretanje izmjena Zakona o pripadnosti javnih prihoda, posebno u segmentu raspodjele prihoda od indirektnih poreza, odnosno, procenta koji općine i gradovi u FBiH trenutno dobivaju (8,42%).

Analiza o realokaciji javnih prihoda općinama i gradovima u FBiH radit će se u sklopu Mreže za finansije/finansije općina i gradova FBiH, u okviru koje će se detaljnije definisati mišljenja, komentari i sugestije za analizu.



U sklopu rasprave o inicijativama iz jedinica lokalne samouprave, koja je stalna praksa rada skupštinskih tijela, na ovoj sjednici vođena je rasprava o Inicijativi Općine Žepče za izmjene i dopune Zakona o visini zatezne kamate (Službene novine FBiH 56/04, 68/04, 29/05 i 48/11) kojim je određena visina stope zatezne kamate, ali nije određeno koliki može biti maksimalno obračunati iznos na temelju zatezne kamate. Prijedlog je da se u Zakon o visini stope zatezne kamate doda odredba koja bi riješila ovo pitanje i to na način da iznos obračunate zatezne kamate ne može biti veći od glavnog duga. Dodavanjem ovakve odredbe značajno bi se uštedjelo na rashodima budžeta svih razina vlasti u FBiH na stavci Izvršenja po sudskim presud.

U vezi sa ovom inicijativom donesen je zaključak kojim se predlaže da Predsjedništvo Saveza općina i gradova FBiH hitno uputi Inicijativu za izmjenu Zakona o visini zatezne kamate Federalnom ministarstvu finansija/finansija i Vladi FBiH, dodavanjem odredbe da „iznos obračunate zatezne kamate ne može biti veći od glavnog duga“.

Nadalje, prisutni su upoznati sa informacijom o povećanju komunalnih taksi i naknada u Kantonu Sarajevo u kojoj je istaknuto da je Skupština Kantona Sarajevo donijela Zakon o izmjenama i dopuni Zakona o komunalnim taksama u Kantonu Sarajevo, kojim je smanjila tarife na pojedine općinske komunalne takse, a da prethodno nije konsultovala Savez, niti općine u Kantonu Sarajevo, iako je to, po Zakonu o principima lokalne samouprave u FBiH, bila obavezna. Savez općina i gradova je, u ime jedinica lokalne samouprave u Kantonu Sarajevo, reagovao uputivši dopis Skupštini i Ministarstvu finansija Kantona Sarajevo sa zahtijevom za obustavom primjene spornog zakona. U vezi s ovim, zaključeno je da se uputi hitna urgencija za sastanak predstavnika općina u Kantonu Sarajevo i Saveza s predsjedavajućim Skupštine KS i ministrom finansija KS, s ciljem iznalaženja rješenja pitanja spornog zakona.

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

DIREKTORICA SAVEZA VESNA TRAVLJANIN U SLUŽBENOJ POSJETI GRADONAČELNIKU TUZLE

Direktorica Saveza općina i gradova Federacije Bosne i Hercegovine Vesna Travljanin posjetila je u srijedu, 23. januara/siječnja 2019. godine gradonačelnika Grada Tuzla Jasmina Imamovića i njegove saradnike.

Tema sastanka bila je očekivanja jedinica lokalne samouprave u ostvarivanju funkcije Saveza općina i gradova FBiH, kao i razmjena informacija. Gradonačelnik Imamović je istakao potrebu većeg uključivanja Saveza u oblasti zakonodavnih aktivnosti npr, usaglašavanje Zakona o građevinskom zemljištu sa Zakonom o stvarnim pravima, te je shodno tome predložio Savezu da organizuje skup svih općina u FBiH na kome bi se dale smjernice za dalji rad u ovoj oblasti, jer ovi propisi stvaraju poteškoće jedinicama lokalne samouprave u pomenutoj oblasti.

Također, je bilo riječi i o Zakonu o pripadnosti javnih prihoda, Zakonu o zaštiti od požara i vatrogastvu FBiH, te o Zakonu o plaćama državnih službenika i namještenika u FBiH.

Direktorica Vesna Travljanin se zahvalila gradonačelniku g-dinu Jasminu Imamoviću i njegovim saradnicima na aktivnoj ulozi u radu Saveza, te mnogobrojnim inicijativama koje redovno stižu iz Gradske uprave na adresu Saveza, a koje su prema njenim riječima upućene u dalje procedure.



Direktorica Travljanin sa gradonačelnikom
Tuzle



Grb Grada Tuzla



SAVEZ UČESTVUJE U RADU RADNE GRUPE VLADE USK

Sekretar Vlade Unsko-sanskog kantona uputio je Stručnoj službi Saveza općina i gradova Federacije Bosne i Hercegovine dopis kojim se traži da Savez općina i gradova FBiH imenuje svoja dva predstavnika u radnu grupu čiji je zadatak donošenje propisa kojim će se utvrditi postupak prijema u radni odnos u zavodima, agencijama, direkcijama i upravnim organizacijama, pravnim osobama sa javnim ovlaštenjima na teritoriju kantona, grada ili općine u javnim ustanovama i javnim poduzećima čiji su osnivači kanton, grad ili općina, te u privrednim društvima u kojima kantoni, grad ili općina učestvuju sa više od 50 posto ukupnog kapitala.

Radnu grupu će činiti predstavnici svih nivoa vlasti u FBiH. Dana 17 novembra/studenog 2018. godine na snagu je stupio Zakon o izmjenama i dopunama Zakona o radu („Službene novine Federacije Bosne i Hercegovine“, broj 89/18), gdje je članom 2. stav (4) propisana obaveza Vlade Kantona da u roku od 90 dana od dana stupanja na snagu ovog zakona, donese propis kojim će utvrditi naprijed navedeno.

POZIV OPĆINAMA I GRADOVIMA ZA KANDIDIRANJE PREDSTAVNIKA U RADNU GRUPU ZA EVROPSKE INTEGRACIJE

U okviru projekta "Jačanje kapaciteta saveza općina i gradova u Bosni i Hercegovini", Savez općina i gradova Federacije Bosne i Hercegovine poziva općine i gradove da delegiraju svoje predstavnike u Radnu grupu za Evropske integracije.

Radnu grupu će činiti 7 članova koji će svojim znanjem i vještinama u narednom periodu provoditi aktivnosti na pripremi lokalnih zajednica za procese evropskih integracija u Federaciji Bosne i Hercegovine.

Odabir kandidata će se vršiti na osnovu sljedećih kriterija:

- da je kandidat uposlenik grada/općine sa više od 2 godine radnog iskustva;
- VSS (fakultet društvenog smjera);
- posjedovanje znanja o procesima evropskih integracija i međunarodnim projektima;
- iskustvo u širenju znanja (prednost imaju kandidati sa iskustvom u održavanju obuka i treninga);
- poznavanje rada na računaru.

Prednost imaju kandidati sa poznavanjem engleskog jezika.

Zainteresovani kandidati trebaju dostaviti sljedeće dokumente:

1. Pismo interesa;
2. CV sa kontakt podacima (broj mobitela, mail adresa i adresa prebivališta);
3. Potvrda /odobrenje od načelnika/gradonačelnika za učešće u radu Radne grupe za Evropske integracije.

Od kandidata se očekuje aktivno učešće na 4 sastanka Radne grupe u toku godine. Prijave sa dokumentima dostavljaju se putem pošte na adresu Saveza općina i gradova Federacije BiH - Musala br. 5/1, 71000 Sarajevo, sa naznakom "Prijava za Radnu grupu za Evropske integracije" ili putem elektronske pošte savez@sogfbih.ba najkasnije do ponedjeljka 04. februara/veljače 2019. godine.

Kandidati koji uđu u uži krug će biti obaviješteni o daljnjoj proceduri.



DUŠICA RUNIĆ IZABRANA ZA V.D. NAČELNIKA OPĆINE DRVAR



Dušica Runić v.d. načelnika Općine Drvar

Na sjednici Općinskog vijeća Drvar za v. d. načelnika ove općine izabrana je Dušica Runić iz SNSD-a.

Predsjednik Općinskog vijeća Nikica Bosnić rekao je da je od 17 vijećnika Runić dobila podršku njih 10, dok je SNS-ov prijedlog Darko Kajtez imao podršku 7 vijećnika.

Za Dušicu Runić su glasali vijećnici iz reda SNSD-a, DNS-a, HDZ-a BiH i HDZ-a 1990, dok je Kajtez imao podršku vijećnika SNS-a, SP-a i PDP-a.

Prijevremeni izbori za načelnika Općine Drvar održat će se 17. februara/veljače.

*Prijevremeni izbori za
načelnika Općine Drvar
održat će se 17. februara/
veljače.*

ODRŽANA OBUKA VIJEĆNIKA OPĆINE BUŽIM



Grb Općine Bužim

Savez općina i gradova Federacije Bosne i Hercegovine organizovao je 22. januara/siječnja 2019. godine u Bužimu trening na temu „Transparentnost finansiranja organizacija civilnog društva iz budžeta jedinica lokalne samouprave“. Treningu su prisustvovali v.d. načelnika Općine Bužim, predsjedavajući, zamjenica predsjedavajućeg Općinskog vijeća, vijećnici Općinskog vijeća općine Bužim, šefovi i predstavnici općinskih službi, kao i predstavnici radnih tijela Općinskog vijeća. Trening je vodio dr. sc. Muamer Hodžić edukator Saveza općina i gradova Federacije BiH. Pored upoznavanja sa ulogom organizacija civilnog društva i njihovom konkretnom doprinosu lokalnom razvoju cilj treninga je bio prepoznavanje prednosti transparentnog finansiranja organizacija civilnog društva iz općinskog budžeta i uloga općinskih vijećnika u planiranju i dodjeli sredstava organizacijama civilnog društva.



Sa obuke u Bužimu

Učesnici treninga su zajednički konstatovali kako postoje brojne prednosti konkurentskog pristupa dodjele sredstava organizacijama civilnog društva iz općinskih budžeta u skladu sa LOD metodologijom.

Učesnici su se zahvalili Savezu općina i gradova FBiH na organizaciji treninga kao i cjelokupnoj saradnji sa Savezom. Edin Demirović, predstavnik Saveza je izrazio nadu da će Općina Bužim u narednom periodu usvojiti LOD metodologiju dodjele sredstava organizacijama civilnog društva. Modul obuke je pripremljen u okviru Regionalnog programa lokalne demokratije na Zapadnom Balkanu (ReLOaD) koji finansira Evropska unija (EU), a sprovodi Razvojni program Ujedinjenih naroda (UNDP).

KORISNI LINKOVI ZA
PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelsmid.com
www.eacea.ec.europa.eu

PRVI RADNI SASTANAK GRADONAČELNIKA I NAČELNIKA SA PREMIJEROM USK



Sa radnog sastanka u Vladi USK

Premijer Unsko-sanskog kantona Mustafa Ružnić organizovao je prvi radni sastanak sa gradonačelnicima i načelnicima općina Unsko-sanskog kantona. Radni sastanak tematski je vezan za aktivnosti koje će Vlada Kantona realizirati u partnerskom dogovoru sa predstavnicima gradova i to: izmjene i dopune Zakona o prostornom uređenju i građenju i Zakona o legalizaciji bespravno izgrađenih građevina i zahvata; Izmjene i dopune Zakona o turizmu te razmatrana Informacija o planiranim grant sredstvima iz ekoloških naknada za budžetsku 2019. godinu.

Resorni ministri Adnan Alagić i Nijaz Kadić izvršili su pripreme za pokretanje izmjena a konsultacije sa predstavnicima gradova i općina bit će praksa daljeg rada u svim resorima, rečeno je.

– Samo zajedno mi možemo rješavati probleme i pokrenuti pozitivnu priču za Kanton u cjelini i naše građane. Kanton čine gradovi i općine. U prijašnjim godinama nametnuti razdor između Kantona i gradova, nije mogao donijeti ništa dobro. Ova Vlada otvorena je za parterstvo u kreiranju boljih rješenja i općenito boljeg ambijenta za život i rad, a to možemo postići zajedničkim radom. Ovo je prvi radni sastanak, a već na narednom, dogovorili smo danas, uključićemo i poduzetnike - kazao je premijer Ružnić.



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

SEDAM OPĆINA U FBiH ŽELE STATUS GRADA

Zastupnik u Zastupničkom domu Parlamenta Federacije BiH Ivan Boban zatražio je od predsjedavajućeg tog doma Elvira Karajbića da se na dnevni red prve naredne sjednice uvrste zakoni kojima se dodjeljuje status grada dosadašnjim općinama Ljubuški i Čapljina.

"Smatram da bi više od 50 hiljada stanovnika koji žive na području tih općina imalo koristi od toga, da njihove općine čim prije dobiju status grada", istaknuo je Boban dodajući da su se stekli svi preduvjeti za donošenje ovih zakona.

Također, u proceduru su upućeni i prijedlozi zakona kojima je predviđeno da se status grada dodjeljuje i općinama Gradačac, Srebrenik, Gračanica, Visoko i Živnice. Vlada Federacije BiH zakone je uputila u proceduru u julu prošle godine, u skraćenom postupku.

Navedenim zakonima definira se gradski teritorij u koji spadaju sva naseljena mjesta koja se, prema evidenciji Federalnog zavoda za statistiku, nalaze u okviru ovih općina na dan stupanja na snagu ovog zakona, saopćeno je iz SDP-a.



Općina Živnice



Općina Čapljina



PRVI SASTANAK ŠEST NAČELNICA IZ OBA BH. ENTITETA



Amra Babić, načelnica Općine Visoko

U zgradi Općine Jezero, danas 25. januara /siječnja 2019. godine bit će održan radni sastanak šest načelnica iz oba entiteta Bosne i Hercegovine.

To je prvi put da načelnice, na vlastitu inicijativu, pokreću mogućnost za realizaciju velikih projekata, najavljeno je iz Općine Jezero.

Projekti koji bi trebalo da se dogovore bit će, navode, od koristi za lokalne zajednice u kojima djeluju žene političarke i imali bi direktan uticaj na ekonomsko osnaživanje stanovništva njihovih općina.

Sastanak su planirale načelnice: Snežana Ružičić (Jezero), Divna Aničić (Mrkonjić Grad), Mileva Komlenović (Kalinovik), Amra Babić (Visoko), Mila Petković (Novo Goražde) i Milka Ivanković (Istočni Drvar), a finansijski je podržan od Vijeća Evrope.

Cilj razgovora je iznalaženje mogućnosti za povlačenje sredstava evropskih fondova.

Predviđeno je da sastanku prisustvuju i pojedini predstavnici vlasti, Vijeća Evrope, te nekoliko ambasada u BiH.



Grb Općine Visoko

Sastanak su planirale
načelnice: Snežana Ružičić
(Jezero), Divna Aničić
(Mrkonjić Grad), Mileva
Komlenović (Kalinovik), Amra
Babić (Visoko), Mila Petković
(Novo Goražde) i Milka
Ivanković (Istočni Drvar)

U KAKNJU OTVORENA NOVA SPORTSKA DVORANA VRIJEDNA 1.5 MILIONA KM



Grb Općine Kakanj

KORISNI LINKOVI ZA PREDPRISTUPNE FONDOWE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelsmid.com
www.eacea.ec.europa.eu

Nove sportske dvorane s pratećim objektima vrijednosti 1,5 miliona KM otvorene su u četvrtak, 24. februara/veljače u Kakanju uz prisustvo predstavnika kantonalne vlasti, Javne ustanove Kulturno-sportski centar Kakanj i v. d. načelnika Općine Kakanj Aldina Šljivo.

Jedan od većih projekata koji je realiziran u Kakanju u proteklom vremenu, a kojim je riješen problem nepostojanja sportskih objekata za potrebe građana Kaknja je i nova sportska dvorana u sklopu koje je i sala za fizički dogoj kakanjske škole. Šljivo je kazao da zasluge za ovaj projekt pripadaju bivšem načelniku Kaknja Nerminu Mandri, a riječi zahvalnosti uputio je i Vladi ZDK i resornom



Nova sportska dvorana u Kakanju

ministarstvu, kao i općinskim službama i drugim institucijama koje su bile uključene u realizaciju ovog projekta. „Nama novim generacijama kojima se ukazuje povjerenje da nastave izgradnju Kaknja, ovakvi projekti i vizionarstvo ljudi koji su ih realizirali služe kao motivacija i ohrabrenje. Zato iskazujem čvrsto uvjerenje da Kakanj i u budućem periodu nastavlja još snažnije i

odlučnije putem progresa“, - kazao je Šljivo. Ovim projektom riješen je i problem nedostatka sale za fizički odgoj za učenike Srednje tehničke škole "Kemal Kapetanović" Kakanj, a osim toga u sklopu ove dvorane su još izgrađene i svlačionice, teretana i brojni drugi prateći sadržaji. Na sportskim terenima bit će moguće izvoditi sve sportove, a parket je dobio i FIBA Level 1 certifikat. Javna ustanova Kulturno-sportski centar Kakanj ovom dvoranom sada upravlja na četiri dvoranska terena. Jedan je u staroj dvorani, dva u novoizgrađenoj dvorani te jedan u Tržnom centru Real. Izgradnja dvorane koštala je blizu 1.600.000 KM, a Vlada ZDK je osigurala 700.000 KM, dok je preostalih 900.000 KM osigurala Općina Kakanj. Čitava manifestacija bila je popraćena kulturno-umjetničkim programom nakon čega su najmlađi počeli sportske aktivnosti u novootvorenoj dvorani.

OPĆINA CENTAR OSIGURALA 30.000 KM ZA POMOĆ PRI RJEŠAVANJU STAMBENOG PITANJA MLADIH

Općina Centar Sarajevo osigurala je 30.000 KM za pomoć mladima u rješavanju stambenog pitanja, nekon što je Općinsko vijeće usvojio izmijenjenu Odluku o raspodjeli dijela novčanih sredstava za podršku stambenom zbrinjavanju.

Odluka je izmijenjena s ciljem da što veći broj mladih dobije ovaj vid pomoći te je sada precizirano da to pravo mogu ostvariti osobe do 38 godina života (ranije je to bilo do 35 godina) s prebivalištem na području općine bez obzira na kontinuitet prebivališta (ranije je uvijek bio pet godina).

Također, povećan je iznos koji se odobrava s 2.000 KM na iznos do 5.000 KM, a propisano je da se osim refundiranja troškova poreza na promet nekretnina prilikom kupovine stana omogućava i refundiranje troškova plaćenog PDV.

Kako je to bila praksa i prošlih godina Općina Centar će i ove godine raspisati javni poziv mladima da podnesu zahtjev za ovu vrstu pomoći koji će biti otvoren sve dok se ne utroše planirana budžetska sredstva za tu namjenu, saopćeno je iz Općine Centar. Od 2017. godine u Općini Centar je na snazi Odluka o raspodjeli dijela novčanih sredstava za podršku stambenom zbrinjavanju mladih kroz refundiranje troškova plaćenog poreza na promet nekretnina, a na osnovu nje 30 mladih dobilo je finansijsku podršku za rješavanje stambenog pitanja.



Grb Općine Centar Sarajevo



Grb Grada Goražda

U GORAŽDU POTPISAN SPORAZUM O LOKALNOM PARTNERSTVU

U Goraždu je svečano potpisan sporazum partnerstvu za zapošljavanje, koji čine Grad Goražde, Udruženje ALDI, Služba za zapošljavanje BPK

Goražde, Srednja stručna škola „Džemal Bijedić“, Privredna komora BPK, Udruženje poslodavaca BPK, te kompanije „Bekto Precisa“ i „EMKA Bosnia“. Partnerstvo za zapošljavanje u BPK Goražde jedno je od 19 u BiH koje, u okviru projekta „Podrška lokalnim partnerstvima za zapošljavanje u BiH“, sa 4 miliona eura finansira Evropska unija, a provodi Međunarodna organizacija rada (ILO). Direktorica ALDI-ja Meliha Gačanin ističe da je ovo udruženje, u saradnji sa partnerima, do sada realiziralo niz projekata, koji se uglavnom odnose na obrazovanje i upošljavanje te da je ovo formalizacija ranije uspostavljene saradnje.

- Mi smo jedna od rijetkih zajednica gdje to partnerstvo dobro funkcioniše i došao je trenutak da formaliziramo to partnerstvo. Za projekte koji budu otvoreni aplicirat ćemo zajedno s našim partnerima i mogućnost dobijanja sredstava iz tih fondova je puno veća – pojašnjava Gačanin.

Uz certifikate lokalne zajednice, kojima se potvrđuje sigurno okruženje za investitore, gradonačelnik Goražda Muhamed Ramović tvrdi da će projekti kod EU, međunarodnih organizacija i ambasada lakše dobivati podršku ako projekt aplicira više partnera.

- Ja mislim da u narednom periodu, ko god ne bude imao lokalna partnerstva, neće ni doći do projekata. Definitivno, EU, Evropska komisija, sve međunarodne organizacije insistirat će i tražiti da se lokalna partnerstva uspostavlja – dodaje direktorica Službe za zapošljavanje BPK Nafija

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemeu.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

MINISTAR ASIM DIZDAREVIĆ UPUTIO ZAHVALNICU SAVEZU

Nakon što je direktorica Saveza općina i gradova Federacije Bosne i Hercegovine g-đa Vesna Travljanin uputila novoizabranom ministru Ministarstva pravosuđa i uprave Unsko-sanskog kantona g-dinu Asimu Dizdareviću čestitku povodom imenovanja na ovu funkciju, uslijedila je čestitka zahvale od strane ministra Dizdarevića, koji izražava spremnost i opredjeljenje da kada je u pitanju donošenje zakona i drugih propisa koji se direktno tiču jedinica lokalne samouprave da se u najvećoj mogućoj mjeri konsultira Savez općina gradova FBiH, kao zakonski zastupnik svojih članica.

U čestitci dalje stoji da će se ministar Dizdarević zalagati da Vlada Kantona osigura jedinstvo sistema državne službe u Unsko-sanskom kantonu sa sistemom državne službe u Federaciji Bosni i Hercegovini.



NAJAVA OBILJEŽAVANJA DANA OPĆINA I GRADOVA ZA MJESEC FEBRUAR / VELJAČA

- **08. februar/veljača - Dan Općine Odžak.** Tog dana 1996. godine prvi povratnici predvođeni policijskim snagama vraćaju se u svoje domove.

- **20. februar/veljača - Dan Općine Bužim.** Na taj dan 1995. godine Predsjedništvo RBiH je Uredbom sa zakonskom snagom formiralo općinu Bužim.

- **21. februar/veljača - Dan Općine Ljubuški.** Tog dana 1444. godine napisan je testament bogatog dubrovačkog trgovca Gojslava Orlovića u kojem se spominje dar crkvi u Ljubuškom. Smatra se najstarijim pisanim dokumentom u kojem se spominje naziv Ljubuški (Lubusia), a čuva se u dubrovačkom arhivu.



Općina Odžak



Općina Bužim



Općina Ljubuški





Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: press@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na

YouTube

Pratite Savez općina
i gradova FBiH na

g+

facebook
Savez općina i gradova Federacije
Bosne i Hercegovine

NAJAVA OBILJEŽAVANJA DANA OPĆINA I GRADOVA ZA MJESEC FEBRUAR / VELJAČA

- **22. februar/veljača** - **Dan Općine Jablanica** i dan sjećanja na oslobođenje grada u Drugom svjetskom ratu
- **22. februar/veljača** - **Dan Općine Jajce**. Datum je ovo prvog pisanog pominjanja grada Jajca 1396. godine u Povelji iz dubrovačkog arhiva
- **23. februar/veljača** - **Dan Općine Velika Kladuša**. Ovaj datum je značajan kao sjećanje na prvo oslobađanje Velike Kladuše u Drugom svjetskom ratu kada je uspjela opstati kao slobodan teritorij punih 731 dan.
- **26. februar/veljača** - **Dan Grada Bihaća**. Na taj dan 1260. zabilježen je prvi pisani historijski trag o gradu Bihaću u Povelji ugarsko-hrvatskog kralja Bele IV, kao gradu sagrađenom na Otoku sv. Ladislava, u vlasništvu benediktinske opatije iz Topuskog. Godine 1262. proglašen je slobodnim kraljevskim gradom sa svim pravima što mu je osiguralo samostalni razvoj.
- **29. februar/veljača** - **Dan Općine Ilijaš**. Na ovaj dan, 1996. godine, na oslobođenu teritoriju općine Ilijaš došlo je do masovnog povratka izbjeglog stanovništva i uspostavljanja civilne vlasti.



Općina Jablanica



Općina Jajce



Općina Velika Kladuša



Grad Bihać



Općina Ilijaš

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: press@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.